

東華續錄

乾隆一百十二

臣王先謙敬編

臣周潤蕃恭校

秋七月己卯朔諭梁肯堂奏順德府同知嵇璜前經推升知府因兩耳重聽以知府銜仍留同知原任今又屆三年限滿例應甄別該員雖逾七旬兩耳重聽但人尙強健精力未衰似應准其留任等語所奏徇情違例甚屬非是撫民同知雖非知府可比然亦有管理地方之責豈可任年老重聽之員濫竽貽誤是嵇璜卽應勒令休致成大計時填効方爲正辦乃梁肯堂猶復奏請留任其意不過以嵇璜爲大學士嵇璜親弟瞻顧情面曲事姑容且見嵇璜年屆八旬耳亦重聽見在仍任綸扉受恩深重遂爾私心窺測將嵇璜仍行留任以爲討好邀譽之計夫大學士固非重聽者所能

稱職朕因念嵇璜年屆八旬此時在朝諸臣科分資格無有深於
伊者且內閣僅司票擬並未令兼綜部務無虞曠職誤公朕一得
作伴老臣亦屬昇平盛事此係格外加恩在朕則可非臣下所能
援擬者乃梁肯堂於身任民社之員竟思以耳聾年邁者姑留供
職必致諸事廢弛貽誤何以肅吏治而飭官方嵇璜雖係大學士
未嘗管理部務人尙謹慎小心並不敢于與外事而梁肯堂尙有
意逢迎則阿桂和珅以大學士軍機大臣總理部務督撫等趨承
迎合更無所不至卽其餘之軍機大臣六部尙書俱有嚴議各省
陳奏事件之責督撫等若皆心存顧忌試思在朝滿漢大臣誰無
弟兄子姪在外服官者設皆如梁肯堂之有心結納將闡茸不職
年衰有疾之人紛紛留任甚且因父兄身居顯秩卽有貪婪不法
者亦槩置之不察則朝綱政體尙可問乎從前楊景素迎奉于敏

中將于易簡竟欲保舉直隸藩司經朕洞燭隱微將楊景素嚴加懲治梁肯堂豈不知之此事雖不至如楊景素之敢於保舉藩司大員而瞻徇袒庇其心實與楊景素無異該督係由直隸州縣歷加超擢升至總督皆出自朕特用乃不思秉公持正整飭官常殊負委任雖伊於總督甫經升任而在直隸年久豈不知朕辦理庶務一秉大公從不許內外大小臣工私情結納而此時實無其人梁肯堂竟敢以此嘗試於吏治大有關繫梁肯堂著交部嚴加議處並令將如何瞻顧徇情面將嵇璜留任之處據實明白回奏並將此旨交行在扈從大臣及在京大學士九卿等閱看○己丑安南國王阮光平入覲賜御製詩章詩曰瀛藩入祝值時巡初見渾如舊識識伊古未聞來象國勝朝往事鄙金人九經褒遠岫重譯嘉會於今勉體仁武偃文修順天道大清祚永萬千春○庚

寅何裕城卒以朱珪爲安徽巡撫調沈初爲吏部右侍郎以劉戡爲兵部右侍郎○戊戌吏部議失察句容縣糧書侵蝕錢糧之歷任該管上司及前任兩江總督李世傑等照例分別降調得旨江蘇句容縣糧書侵蝕錢糧漕米一案該省各上司漫無覺察錮弊相沿以致奸吏蠹書吞侵銀米累萬盈千重徵累民莫此爲甚非尋常失察可比是以將總督書麟革職拏問發往伊犁效力贖罪巡撫閱鶚元知情不舉定以重辟李世傑係前任兩江總督在任已歷一年於此等重案不能先事嚴查參奏其咎實與書麟相埒本應嚴加治罪姑念伊平日尙屬能事見已年力就衰染患兩般輟弱之疾亦難望其就痊今在京供職步履維艱不能當差辦事且伊籍隸貴州距京較遠李世傑著加恩以原品休致令其回籍所有歷任失察之該管司道府等官均照該部所議劉樽著革去

職銜成汝舟夏家瑜鶴齡張銘金汝珪初之樸俱著革職索甯安
方燁著降二級調用餘依議○己亥諭直隸盜犯馬十一案司道
府縣等審辦遲延劉戕未經查催尙係因公失察非江蘇高郵句
容兩案書吏冒徵侵蝕有累間閭書麟並不據實嚴參閱鶚元知
情不舉者可比且伊身任直隸總督有年辦事尙屬勤慎所有兵
部尙書員缺著加恩卽以劉戕補授○以胡高望爲兵部侍郎由內閣學士選
孫曰秉爲湖北按察使由貴州糧道遷○辛丑諭安徽巡撫何裕城
自簡任以來小心謹慎今於途次患病身故所有任內降革罰俸
處分及應行賠繳銀兩俱著加恩寬免○壬寅 上自避暑山莊
回鑾○乙巳諭書麟前在兩江總督任內因高郵州句容縣書吏
等舞弊並未查出竟同木偶已將伊治罪矣第念伊所犯之罪究
係失察尙非如閱鶚元意存庇護屬員擾害百姓者可比書麟著

施恩賞給頭等侍衛職銜前往哈密更換伊桑阿○ 上以本年八旬 萬壽率土臣民來京祝嘏恐京城米價稍增命發稜米三萬石於五城平糶○戊申 上還京師

八月庚戌諭琅玕奏浙江徵收漕務不能督辦妥協盡除積弊致有嘉善縣糧戶赴閩控告及嘉秀二縣書吏舞弊之案獲罪重大懇卽革任從重治罪等語浙江漕務向多弊竇琅玕身任封疆不能督率稽查於嘉善等縣糧書浮收舞弊之案毫無覺察實屬有負委任且此案與江蘇句容縣侵蝕錢糧一案皆因書吏滋弊而書麟尙係統轄之員琅玕則身爲巡撫地方錢糧是其專責覈其情罪雖較閔鶚元稍輕而較書麟爲重本應從嚴辦理姑念琅玕自知罪重悚惶待命懇請革任治罪尙屬具有天良除聽該部照例治罪再降諭旨外琅玕旣屢獲愆尤又能力除積弊且浙省

巡撫兼綜鹽漕事務繁據琅玕才具中平亦難勝任琅玕著賞給
頭等侍衛職銜前往哈密辦事更換伊桑阿回京所有浙江巡撫
員缺著海甯調補其山西巡撫員缺著書麟補授書麟甫經獲罪
念其平日居官尚屬小心謹慎見因補放巡撫一時不得其人是
以棄瑕錄用書麟仍著帶革職留任八年無過方准開復該撫務
宜益加感愧勉自新以副朕宥過施恩之意○暹羅國王鄭華
表祝 萬壽貢方物○辛亥以佛住爲理藩院右侍郎

山副都統

○

戊午諭本年朕八旬壽辰內外臣工情殷祝嘏籲請舉行慶典用
抒慶忭之忱所辦工作點綴朕尚未經寓目昨詣恩慕寺永留寺
拈香始見道旁點景處所過於繁瑣臣工等固屬競效臚歡而踵
事增華不但不以爲善抑且心覺不安朕臨御五十五年海宇昇
平太和翔洽幅員廣拓夷裔咸賓朕躬壽躋八旬精神強固曾元

衍慶五世同堂凡茲備福克膺皆賴 吳蒼篤祐然朕自 薄德
兢業彌深不敢以景運之增隆遂謂 天人之協應是以勤求宵
旰敬念庶徵惟日孜孜益懷寅畏以仰酬 鴻貺並非故示謙冲
本年自七月而後藩部君長等祝釐入覲雖設樂賜筵朕心不遑
暇逸惟懼稍廢政務卽本日距萬壽之期不過三日猶復披覽章
奏召見大臣甯以時際隆平遂敢謂豫大豐亨侈然自足耶且辦
理慶典從前因恭遇 聖母皇太后萬壽大慶合萬國之歡心躬
致孝養娛侍 慈甯茲朕年已登八表猶以不及恭慶 皇考六
旬 聖母皇太后九旬爲憾撫今追昔愴然於懷方深感慕今歲
雖循例舉行慶典難卻臣民之情實不忍以幸值慶辰據思行樂
也卽如所演大慶戲劇原係 皇考恭祝 皇祖萬壽舊本從前
聖母皇太后五旬六旬七旬八旬萬壽慶節朕屢加增改綵舞

稱觴見今皇子大臣等雖有進呈樂章以其詞過送揚亦止節其
瀾文前未加之潤色朕之崇實黜浮不敢稍事鋪張於茲可見再
平日興建工程廟宇皆係經營規制嚴肅觀瞻可以垂諸永久猶
嘗引以爲過著之論說若此點景綴設不過塗飾一時聊以娛目
更爲無益繁文幸荷 上天恩佑彌月晴明設或連遇風雨豈不
徒耗物力今已成事不說未便全行裁撤仍著該管大臣將一應
綵飾量爲減省以示朕式靡崇儉至意將此通諭中外知之○庚
申 上御禮輿還宮騎駕鹵簿全設導迎樂作前奏 萬壽衢歌
皇子 皇孫 皇曾孫 皇元孫王以下文武大臣官員紳民
耆老蒙古王貝勒貝子公額駙台吉叵部王公伯克安南國王及
陪臣朝鮮緬甸南掌等國使臣金川土司臺灣生番等環跪稱慶
賞賚老民樂工承應匠藝人等有差○辛酉 上八旬萬壽節

御太和殿受慶賀禮成 上幸甯壽宮賜王公大臣蒙古王貝勒
貝子公額駙台吉外藩使臣等宴 御乾清宮賜宗室諸王等宴

皇子 皇孫 皇曾孫 皇元孫以次舞綵稱祝如儀○壬戌

諭予告大學士蔡新年逾八旬跋涉遠來抒誠祝嘏具見惻忱召
見筵宴時看其精神步履矍鑠如前朕心深爲嘉慰見在慶祝後
自應令其仍回原籍但念自京至閩道路較遠著經過沿途各地
方官酌備船隻肩輿俾得行程安頓並賞給人蔭一斤以資頤養
示朕優眷耆臣恩加無已至意○戊辰諭本年八旬大慶達賴喇
嘛班禪額爾德尼俱遣使來遞丹舒克朕心甚爲欣悅但今達賴
喇嘛之兄弟商卓特巴等肆行舞弊占人地畝轉尊崇素不敬奉
黃教之紅帽喇嘛令與第穆呼圖克圖濟甯呼圖克圖等同坐且
與衆喇嘛斂取銀兩並將達賴喇嘛商上物件亦有虧缺來藏熬

茶人等應得路費亦皆減半發給殊不知此項人等俱係特來參見達賴喇嘛若優禮相待方能衆心嚮往來者日多今如此扣減殊失人心必致敬奉參見之人漸少於達賴喇嘛毫無裨益前噶勒丹錫喀圖禪師駐藏之時雖達賴喇嘛及伊兄弟均屬年幼不能管事而賴其經理人心無不悅服所辦甚好自伊回京後達賴喇嘛人過誠實專習經典或且偏信旁人全無主見達賴喇嘛係朕所立諸事如此廢弛實不能伸體朕心藏中之事朕若置之不管亦無不可但前藏僧俗蒙古人等俱致離心不特國體攸關卽達賴喇嘛亦復何益是以將達賴喇嘛之兄弟商卓特巴等全令來京濟甯呼圖克圖亦行撤回又恐乏人幫助達賴喇嘛辦事爲日既久屬下人等復有擅權舞弊等事均不可定今已訊明舒濂知普福雖無別項情節其一味顛頂不能勤慎辦事雅滿泰略知



藏中事務又不甚諳練究難放心朕因憐憫達賴喇嘛故遣噶勒丹錫嘑圖禪師仍復至藏幫同達賴喇嘛辦事伊至藏後務將諸事整理至遲不過三年章程自可立定交付駐藏大臣率領噶布倫等照辦即可將伊撤回至達賴喇嘛之兄弟商卓特巴等如此舞弊殃民將商上物件均致虧缺有傷達賴喇嘛顏面以致衆怨沸騰卽是達賴喇嘛仇人非但不應袒護並應痛加懲治特令此數人來京實爲保全達賴喇嘛以期於藏中有益之意今覽達賴喇嘛所奏於此事全未知悉皆伊兄弟及商卓特巴等私自違背黃教所致今已悔過感恩敬謹具奏朕心深爲憐憫特加恩賞給達賴喇嘛珍珠數珠一串嗣後惟當勸習經典庶得常受朕恩鄂輝接奉此旨卽將珍珠數珠賞給達賴喇嘛並將此項情節明白宣示再見在達賴喇嘛敬謹具奏朕已令將伊兄弟等送京不能

寬恕即使施恩亦止施與達賴喇嘛此七人定令回京鄂輝務遵旨辦理不可再行姑息其僧俗人衆亦皆明白宣諭以示朕保護黃教惠愛全藏之至意○庚午喀爾喀卒以明亮爲刑部尚書○壬申諭向來各省選拔貢生赴京朝考因省分遠近不一分作三次考試此次各省選拔貢生俱已陸續到齊著在貢院內併作一場考試嗣後拔貢朝考統俟各該生等齊集京師後禮部卽行奏請定期在貢院考試不必分作三次至朝考取入一二等者向派王大臣挑選其入選者帶領引見以小京官分部學習及以知縣教職等官錄用較之進士歸班舉人截取銓選者更速是拔貢一途尤爲士子捷徑必須秉公考覈以杜躁進而整士風但各省學政考拔貢時拘於成例按照府廳州縣應拔定數考取往往有一學中並無真才可膺是選而濫行充數並有於鄉紳子弟中選拔

者是各學政已不免有瞻顧徇情之處而到京朝考後若仍令王大臣挑選安知不又互相請託殊非覈實遴才之道所有王大臣挑選之例著卽行停止此次拔貢朝考取入一二等者著於正大光明殿覆試再行欽派大臣秉公閱卷取定後按照等第名次帶領引見候朕分別錄用其朝考及覆試題目屆期欽定以昭慎重著爲令

九月己卯以薩哈爾齊尹壯圖俱爲內閣學士

薩哈爾齊由給事中遷尹壯圖服闋

內閣學士

○庚辰諭軍機大臣等郭世勳奏接准暹羅國王鄭華咨稱

乾隆三十一年被烏肚溝兵圍城國王被陷其父鄭昭得復舊基十僅五六該國舊有之丹已氏麻叻塗懷三城見被占據懇請諭令烏肚割回三城等情閱其情詞係屬非禮妄求擬作荖意未敢具奏將表文駁回應否如此請旨遵辦等語並鈔錄表文及所擬

稟進呈所奏甚是自應如此辦理但所擬照會尙有未盡周到之處朕思暹羅所稱之花肚番卽係緬甸從前緬甸與暹羅詔氏構兵時尙係已故之緬會懽駁前非見在國王孟隕之事著氏等三城亦係詔氏在國時被緬甸侵占本非鄭氏國土相安年久自應各守疆界見在緬甸已經易世暹羅又係異姓繼立更不當將詔氏失去疆土向其爭論況彼此皆無憑據未便以無根之言遽索土地天朝撫馭萬國一視同仁毫無歧異緬甸固屬新封而暹羅亦係鄭昭得國後鄭華嗣掌國事始加封爵該國王等惟當欽遵前諭釋嫌修好共沐寵榮豈得以此等非分干求妄行瑣瀆若因暹羅懇諭緬甸返其侵地卽允所請設緬甸以暹羅越疆構釁亦索城池復來申訴兩國紛爭伊於何底耶或係因福康安來京鄂世勳初署督篆該國以此事先爲嘗試亦未可定該撫接准咨文

卽應作爲己意一面行文駁回一面馳奏方於事理妥協今俟此摺發回始行檄諭往返耽延未免多需時日該國使臣在粵見日久未發回文自必料及奏聞候旨而檄內又稱未經據情代奏恐非取信屬國之道朕已命軍機大臣代擬檄諭止可云兩廣總督福康安見在來京陛見郭世勳係署理總督接閱該國咨文札商福康安意見相同始行聯銜照會不敢上瀆天聽若該國王必欲懇請轉奏封疆大吏從不敢壅於上聞但恐該國非禮干求之咎致干詰責斷不能仰邀恩准也如此剴切曉諭庶足以服該國王之心而措詞嚴正亦得撫馭外夷之體該撫接奉照會文彙卽當聯銜照繕發往如續得暹羅來咨卽行迅速馳奏○癸未諭軍機大臣等前因黎維祁失國內投念其祖宗世守藩封職貢百有餘年不忍致令廢絕是以降旨加恩令其來京編入漢軍世襲佐領

今黎維祔到京供職後頗屬謹慎守法因念伊妻未曾隨同進關令於隨從女子中挑擇一二人以爲側室而黎維祔以跟隨屬下人等妻孥俱已散失伊不忍一人獨有家室並稱親弟黎維祔親妹三人及妻妾家眷等相別已經二載存亡未卜朝夕繫念魂夢難安不肯遽置媵妾黎維祔本屬懵懂之人此事卻不以安樂而忘患難其心可嘉其情翻屬可憫從前黎何進關時曾稱黎維祔糾集多人力圖恢復該國人心未去羣思推奉黎維祔與阮氏爲難嗣將黎何解京詢問復稱國母尚在伊所若在此淹留有負故主託妻寄子之重且稱甯死不易衣冠是該國反側之徒皆以黎維祔妻弟眷屬尚在該國境內輒思藉以爲名糾衆滋擾與阮光平轉多未便不若令阮光平將黎維祔之妻妾弟妹一併派人送出既全黎氏骨肉又免該國後患豈不一舉兩得著福康安告知